

Fiche I2-i *Aimuna ka auiashunanuti nete ait aimunit*

Takuana anite innu-aimunit aimuna ka auiashunanuti, anite mishtikushiu-aimunit/kakusseshiu-aimunit kie ma akaneshau-aimunit uetshipaniti. Miam ashit neni passe innu-aimuna apashtakanua anite mishtikushiu-aimunit : chicouté (shikuteu), carcajou (kuekuatsheu), manitou (manitu) kie ma akaneshau-aimunit : moose (mush), kie kutaka.

Nete ait aimunit utinakanua passe aimuna, usham apu takuaki neni aimuna, mishtikushiu-aimuna kie ma akaneshau-aimuna, anite innu-aimunit. Neni ka auiashunanuti aimuna, tshitshipananuipan ussi-tshekuana ushkat tekuaki, atusseuakana eka tekuaki tshipa ishinikatakanua. Katshi auiashunanutau neni mishtikushiu-aimuna/kakusseshiu-aimuna, miam innu-aimun ekue itapashtakaniti. Miam innu-aimun uatakaniti eukuan eshi-uitakaniti neni aimuna.

E auiashunanutau aimuna anite mishtikushiu-aimunit/kakusseshiu-aimunit, auiashunanua ashit neni aimunissa : le, la, les, l', du, des, de, kie iapit kutaka. Passe neni aimuna ka utshipaniti anite mishtikushiu-aimunit mishta-shashish neni uet auiashunanuti, ek^u kutaka apu shuk^u shashish.

Mate

<i>Aimuna ka auiashunanuti</i>	<i>Mishtikushiu-aimunit/kakusseshiu-aimunit</i>
<i>tekanep</i>	des crêpes
<i>nekautu</i>	le gâteau
<i>natamat</i>	la tomate
<i>napatat</i>	la patate
<i>naminash</i>	la mélasse
<i>nepanan</i>	la banane
<i>neshu/teshu</i>	le chou
<i>nashup</i>	la soupe

<i>nashumash</i>	le chômage
<i>nesseshep</i>	le cégep
<i>nishkitu</i>	le ski-doo
<i>netuss</i>	une rôti, une tranche de pain grillé (toast)
<i>namashin</i>	la machine (le moteur)
<i>napien</i>	la bière
<i>pinaku</i>	bingo
<i>natshek</i>	le chèque
<i>nashima/nessima</i>	du ciment ou du béton
<i>nanipaiueu</i>	Il baille
<i>netupiss</i>	l'autobus
<i>tshakunau</i>	du chocolat
<i>kapak/pakak</i>	Québec

Ume aimun mashkatenitakuan apishish, anite aimunit takuan ne mishtikushiu-aimun/kakusseshiu ka auiashunanut la poêle essishuemakak napuen, ekue tapitik ne kutak innu-aimun assik^u.

napuenassik^u : la poêle

Eukuan minuat kutak aimun ait apishish eshinakuak, ne ushkat aimun utshipanu anite mishtikushiu-aimunit / kakusseshiu-aimunit « bonjour » pushu, ek^u ne aimun miam aitun ishi-pimipanu.

pushukateu: il lui fait ses salutations

Eukuan ne kutak aimun, nishina neni aimuna : peik^u auiashunanuipan anite mishtikushiu-aimunit « napatat » ek^u ne kutak nete akaneshau-aimunit utshipanu « chips ». Uauitakanua ka pashteti napatata.

napatatship: des patates chips

Eukuani umeni kutaka aimuna, anite akaneshau-aimunit :

<i>Kananitshe</i>	orange
<i>Kapish</i>	cabbage
<i>Papinaman</i> ²⁷	pepermint

²⁷ Ne aimun utshipanu nete mishtikushiu-aimunit « paparmane », uinuau aiashupanat nete akaneshau-aimunit